

Bibilia anzi nyiri yi niri

E'yo alenia 'diyi

Engata Yesuni Okori



'Ba siipiri: Edward Hughes

Translated by: Fetaru Dorothy Alemiga

'Ba e'da gbapiri: Janie Forest

'Ba otupiri: Lyn Doerksen


O'duko 54 o'duko 60 ma eseleari

www.M1914.org

Bible for Children, PO Box 3, Winnipeg, MB R3C 2G1 Canada
Drilembo: Mi ovu drilembo be buku diri ofuzu dika kaniku
oduko gbale bori ofuzu dika ra mi ka eri ozi ozi kuria.

Lugbara

Oku azini so pa oni dria
pari 'ba yini yikiyi 'yezu
tunia, ri angu ne e'yo
'i 'yepi ewaruri vu
mile candiru be. Eri
ma mvi ri dra dra.
Oku nderi de
Mariamu 'i.
So pa pari 'bani
Yesu ni dizu pati
alaza ma dria ri
ma ageyia.



E'yo 'diyi 'ye yi dria
ngoni ngoni ya? Yesu eco
idri ini ovuzu onyiru tu
'dileri de geri ocokoru
si 'dile ngoni ngoni
ya? Mungu fe
ndra 'bani ima
mvi ni dizu pati
alaza ma dria erini
drazu 'daa a'di e'yosi
ya? Yesu 'ye e'yo azini
onzini erini ovuzu
opinirisi ra ya?
E'yo nde di
Munguni 'bo ya?




Yo! E'yo ndeni Munguni ku. Yesu 'yeni e'yo onzi azi aluni ku. Yesu ni andra e'dozu drio ra kini 'ba onzi yi nga 'i 'di ra. Yesu ni nga kiri ovuzu odekuaru risi, mbaza azini ru be Simoni 'i ni 'yo ndra Mariamu ni kini ocoko ni eri teria drile 'dale 'da.

3



O'du ka mu ace were 'bani Yesu ni 'dizu 'bo, oku azini emu odu ajingururu ri odazu eri ma paa. 'Ba Yesu ni embale 'diyi ota kini, "eri sende eza." Yesu nga 'yo kini, "ye 'di azi onyiruni. 'Ye 'diri 'bani ma avu sazu." 'Diyi e'yo 'yoza ori oriru ni!

4




O'du ka mu ace were 'bani Yesu ni 'dizu 'bo, oku azini emu odu ajingururu ri odazu eri ma paa. 'Ba Yesu ni embale 'diyi ota kini, "eri sende eza." Yesu nga 'yo kini, "ye 'di azi onyiruni. 'Ye 'diri 'bani ma avu sazu." 'Diyi e'yo 'yoza ori oriru ni!

5



Omu agaza 'ba drilesiri ni ma alea, Yesu nya nyaka asizuri 'ba erini embale 'diyi be. Nze yini e'yo ndrizaru 'diyi Mungu ma dria azini ece yini aziza Munguni 'ba eri leepi 'diyi driri. Yesu nga di yi dri mukati patiefisu be yini alezu yi ma eselea. 'Ba fe yi dri 'diyi yi oruzu kini rua azini ari Yesu ni 'diyi 'ba tru e'yo onzisi.

6



Yesu nga di 'yo ima agyipi yini kini 'ba nga 'ima o'di nyara, azini yi nga apa ra. Petero kini, "Angani mania pa ku." Yesu nga 'yo, "de nga a'u ata 'beni cere ku, mi nga ma ga pale na."


7



Vilevileru ini 'dasi, Yesu mu Mungu zi amvu Getisimane ni ma alea. O'du o'be 'ba erini embale sawa 'dasi eri be ci 'diyi ra. "Mungu maniri ..." Yesu zi Mungu ma tia, "mi ma 'du kopo 'diri ma vurisi ra. Te kiriti ovuni mani lelerile ku te mini lelerile."

8

Sawa were ma vutia, 'ba ongulumuru yi emu amvu alia. 'Ba yi ma dri cepiri de Yudasi 'i. Yesu awini ogaa 'bani 'i bikosi ku, te Petero ga 'ba azini ma bile ra. Yesu elo agu nderi ma bile ndi ndiru azini ati eri ra. Yesu ni de ra kini e 'yo 'bani 'i bizuri eri e 'yo Munguni leleri 'i.



9

'Ba ongulumuru 'dayi ji Yesuni 'Ba kuaniruru 'diyi vu joa. 'Daa 'ba Yahudiru 'diyi 'yo kini le Yesu ma drara. Petero ri aci tia enyia, ri e 'yo 'diyi nee.

'Ba yi ndre angu Petero vu Paale na azini yi ri 'yo, "mi ndra aci Yesu be!" Petero ga agata pale na kile Yesuni ndra 'yole eri nga 'ye rile. Petero so ata vini oyo kini ovuni 'i 'i ku.



10


KUKULURUKUUU

'Da ma vutia, auta 'be cere. Cere 'da eku Petero ma bilea kile Mungu ma o' duko le. Petero ka mu e 'yo Yesu ni ndra 'yole 'diyi ega 'bo, owu mindresi tu.



11

Yudasi a 'a vini candisi indi. Ni ra kini Yesu 'yeni e 'yo onzi azi aluni ku. Yuda 'du silingi kali na 'dayi te 'ba kuaniruru 'diyi ga yi si. Yudasi yi silingi 'dayi vaa, fu amve- ti 'i bakasi.




12

'Ba kuaniruru 'diyi eji yesu ni Pilato, opi ambo Rumi niri ma drilea. Pilato kini, "ma esuni e 'yo onzi agu 'di be ku." Te 'ba ongulumuru 'diyi ri kiri otre " 'ba ma di eri pati alaza ma rua! 'Ba ma di eri pati alaza ma rua!"



13


Asizu, Pilato nga a 'ira. Li e 'yo Yesu ma dria drazu apti alaza ma dria. 'Ba asikaruru 'diyi co Yesu ni, yi owi susu eri ma rua azini yi co eri kalisi. Yi ede oku oci si azini yi omi oku nderi eri ma dria. Yi ngadi eri di pati alaza ma rua drazu.



14

Yesu ni ndra drio ra kini 'i nga dra geri 'dari si.
Ni ndra vini ra kini dra 'i vileri ni nga truta eji 'ba
onzi 'i a'ipi ra 'diyi dri. 'Ba di ndra 'ba onzi azi

iri ni yi pati alaza ma dria
eri ma kalaa indi. 'Ba
aluri a'i Yesuni ra
dika fi Paradisia. 'Ba
aziri a'i Yesu ni ku.




15

Yesuni candi nyazu sawa ezu
'bo ri ma vutia, Yesu 'yo
"de di 'i ra" 'da ma vutia
dra di. De di vini azi
erini ndra emuzu ri
ra. Eri ma agypi
yi sa eri 'bilea.



16

Asikari Rumia 'diyi
ri 'bile nderi ma
geyi te te. 'Ba
azini di ecopi fipi
azini efupi
'dale ni yo.



17

'Di ka ndra adri e'yo Yesu
ma driari ma asiza ni, eri
ndra ovu candiru. Te
Mungu 'ye e'yo azini
osutaru. Yesu
awini drazaru ku!



18

O'biti drio sabitisi, 'ba Yesu
ma vuti obipi 'diyi ma azi esu
'ba gu oni 'bile tiarisi
kalaa. Yini angu aluzu
'bile alea 'borisi,
yi esu Yesu ni
'daa yo.



19

Oku aluni awi 'daa, ri owu 'bile tia.
Yesu e'da 'i erini! Nzu vile 'dale
Ayikosi muzu e'yo ni ecezu 'ba
Yesu ma vuti bipi azi 'diyi ni.
"YESU NI IDRIRU! YESU
ENGA 'BA DRAZA MA
ESELEA 'BO!"



20

'Da ma vutia, Yesu emu 'ba erini embale
'diyi vu, e' da yini ima dri musumari ni sole
'diyi. Eri de di ada. YESU ENGA IDRIRU
DIKA RA! Tru Petero ni eri 'i gazu risi ra.
'Yo 'ba ti opele 'diyi ni e'yo ecezu 'ba
dria ni ima dria. 'Da ma vutia, tu di oru
'bua pari ndra erini engazuria.

21

Engata Yesuni Okori

O'duko engazu e'yo bari Munguni,
Bibilia ma aliari

'ba eri esu engazu

Matayo 26-26, Luka 22-24,
Yohana 13-21

"E'yo miniri eri dizaru."
Zaburi 119:30

Mungu nira kini ama 'ye e'yo onzi, erini omvele
ezatani 'diyi ra. Panga e'yo onziniri eri drani.
Mungu le ama tu ani epe Ima Mvi, Yesu ma ti, emuzu
drazu pati alaza ma dria ezata amaniri ma arioti
ofezu. Yesu emu idriru azini go vile 'bua! Curu'do
Mungu ecodi ezata Amani 'diyi truzu ra.

Ika le asi oja ezata mini 'diyi kuzu ra, mi ma 'yo
Munguni 'dinile: Mungu maniri, ma a'ira kini Yesu dra
masi azini ma a'ira kini eri curu'do idriru dika.
Kirikirisi mi ma efi idri maniri ma alea azini mi ma tru
ezata mani 'diyi, ma ma ovu ani idri o'diru be
curu'do, azini ma ma nga ani ovu mi be ewule ewule
beni. Mi ma ko ma aza ovuzu mva miniru.
Amena. Yohana 3:16

Mi ma la Bibilia azini mi ma o'yo Mungu be o'du dria!